

## Jon II

# leta aniwai rabuinama ya girumina

<sup>1</sup> Taugu Jon, ekalesia adi badama uma letanama yà girugirumina tam waivimma Mamaitua ya vinevinemna\* ġarome, be am sedama mate. Taugu riukaua yàwai nuapaġoemina, be nam tauguġa. Banaga matabudi aitaugā Bada na riukauama a katakataiena, taudi mate tawai nuapaġoemina,

<sup>2</sup> Bada na riukauama nopode e kenakenana aubainama, tokare tauna mate tà mia nonoġana.

<sup>3</sup> Mamaitua Tamadama be Natunama Yesu Keriso adi raunuatoi, adi raukivivere be adi subama tauda aitaugā riukaue be wainuapaġoe tà miamiana, naumeiki da ġarode ta kenana.

### *Riukaue be wainuapaġoe tà miana*

<sup>4</sup> Taugu èi nuavere kauana raġanine yà kitana, be am sedama ġesaudima riukaua na ruvae nama a naġonaġona, nema Tamadama ya riuriu vavasaġedana nama.

<sup>5</sup> Be tam waivimma, tam kuya kataiena da Bada Yesu ya riu vavasaġedana da tauda dà banagama dà banagama tài nuapaġoedina. Be inam riuvavasaġinama nam riu vauna, ibewa da giunama teneġinama tauda noġone tè vaivaiena,

---

\* **1:1:** Banaga toitoi ta noġonogoti da inam waivinama nam banaga ġoma, be agunai ekalesia.

vutuna aubainama yodi yàwai bağamna da riunama ruvane nama tà miana. <sup>6</sup> Be wainuapaño inam umanama: Mamaitua riunama tà voteyeteyedi be ruvane nama tà nağona. Be inam riuvavasaginama kaite koya vaiena, be yodi inam riunama ruvane nama ko nağona.

<sup>7</sup> Be boruwaideğə banegidima toitoi kaite dobu tawai yababina. Uma banegidima taudi nam tima waisumağana da Yesu Keriso tauna dobue ya dobi be yai rawabanaga ġomana. Inam banegidima taudi tauboru waideğə be Keriso tauwai ġavienama. <sup>8</sup> Vutuna aubainama ko kita kauana, değoda taumi inam banegidima koi muriwatanedina, taumi koya noyanoya guratana, damone tokare nam maesinama ko paño. <sup>9</sup> Aitauğə Keriso na waikatakataima a pağona, be taudi adi ġoanama waikatakataidima mate ta rawarawa teğeidina, taudi nam nopodie Mamaitua ima miamicana, ibewa. Be değoda aitau Keriso na waikatakataima e kaididi be e kaikai guratena, tauna inam Tamadama be Natunama Yesu tauna ġarone ta miamicana.

<sup>10</sup> Değoda aitau ġaromie e verau be nam Keriso na waikatakataima ruvane ei katakataimi, inam baneginama nam ko riu yağeyäge, be nam koi anine da ami vadae e mia, avedi. <sup>11</sup> Aitau da inam nama banaginama e riu yağeyäge be ewai aninena, tauna inam baneginama na noyama gewagewanama e riuriu sagusaguna.

<sup>12</sup> Yaba toitoi sibo ġaromie è giuedina, be taugu nam ama ġoegoena da uma yabedima letae yà giuedi. Be nuaguma e riuriuna da baniğomiguma

tokare yà verau be uma yabedima yà guemina.  
Yodibe nuaguma tokare e suba be tài nuaverena.

<sup>13</sup> Be tam waivimma turamma† uma Mamaitua  
ya vinevinena, na sedama tawai kaiwemna.

---

† **1:13:** Gurik bonane ya riuna: ‘sister’. Uma bukanama nopone  
waivi inam tauna ekalesia ewai matairena.

**Vari Verenama  
The New Testament in the Dawawa Language of  
Papua New Guinea  
Nupela Testamen long tokples Dawawa long Niugini**  
copyright © 2002 Wycliffe Bible Translators, Inc.

Language: Dawawa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 11 Nov 2022 from source files dated 9 Oct 2020

9b8bda32-db42-5be3-9d24-4e4a5d5f65b2